



文全
15
18

12
3095
8



明 12
3095
卷 8

校河安水限上
書生舉井樓亦
言來漢西島魯
與品國委倍登

周禮卷三十三



漢大司農北海鄭 玄註

皇明 後學東吳金 蟠訂

司馬政官之職

按人掌王馬之政。

政謂差擇養乘之數也。月令曰班馬政。

辨六馬之屬。種馬一物。戎馬一物。齊馬一物。道馬一物。田馬一物。駕馬一物。

種謂上善似母者。以次差之。玉路駕種馬。戎路駕戎馬。金路駕齊馬。象路駕道馬。田路駕田馬。駕馬給宮中之役。

卷三十三 司馬政官之職

永懷堂

凡頒良馬而養乘之。乘馬一師四圉。三乘為阜。阜一趣馬。三阜為繫。繫一馭夫。六繫為廩。廩一僕夫。六廩成校。校有左右。駕馬三良馬之數。麗馬一圉。八麗一師。八師一趣馬。八趣馬一馭夫。

良善也。善馬五路之馬。鄭司農云。四匹為乘。養馬為圉。故春秋傳曰。馬有圉。牛有牧。玄謂二耦為乘。師趣馬馭夫僕夫。師之名也。趣馬下士。馭夫中士。則僕夫上士也。自乘至廩。其數三百一十六匹。易乾為馬。此應乾之策也。至校變為言成者。明六馬為一廩。而王馬小備也。校有左右。則良馬一種者。四百三十二匹。五種合二千一百六十四匹。駕馬三之。則為千二百九十六匹。五良一駕。凡三千四百五十六匹。然後王馬大備。詩云。駉牝三千。此謂王馬之大數與。麗耦也。駕馬自圉至馭夫。凡馬千二十四匹。與三良馬之數不相應。八皆宜為六。字之誤也。師十二匹。趣馬七十二匹。則馭夫四百三十二匹矣。然後而三之。既三之。無僕夫者。不駕於五路。卑之也。○乘繩證反。注。同阜才。早反。趣倉走反。繫音計。廩九又反。

天子十有二閑。馬六種。邦國六閑。馬四種。家四閑。馬二種。

降殺之差。每廩為一閑。諸侯有齊馬道馬田馬大夫有田馬。各一閑。其駕馬則皆分為三焉。○殺所界反。

凡馬特居四之一。

欲其乘之性相似也。物同氣則心一。鄭司農云。四之一者。三牝一牡。

春祭馬祖。執駒。

馬祖。天駒也。孝經說曰。房為龍馬。鄭司農云。執駒無令近母。猶攻駒也。二歲曰駒。三歲曰駉。玄謂執。猶拘也。春通淫之時。駒弱血氣未定。為其乘匹傷之。○令力呈反。下令皆同。駉音肇。為于僞反。

夏祭先牧。頒馬攻特。

先牧。始養馬者。其人未聞。夏通淫之後。攻其特。為其蹄齧。不可乘用。鄭司農云。攻特。謂騾之。○騾音繩。

司豐

卷三

司馬政官之職

二

承襲堂

秋祭馬社。臧僕。

馬社始乘馬者。世本作曰相士作乘馬。鄭司農云臧僕謂簡練馭者。令皆善也。玄謂僕馭五路之僕。○相息亮反。

冬祭馬步。獻馬。講馭夫。

馬步神為災害馬者。獻馬見成馬於王也。馭夫馭貳車。從車使車者講猶簡習。○見賢。違反從才用反。

凡大祭祀朝覲會同。毛馬而頒之。

毛馬齊其色也。頒授當乘之。

飾幣馬。執扑而從之。

鄭司農云。披人主飾之也。幣馬以馬遣人當幣處者也。聘禮曰馬則北面奠幣于其前。士喪禮下篇曰薦馬纓三就。入門北面交轡。圉人夾牽之。馭者執策立于馬後。○遺惟季反。

凡軍事。物馬而頒之。

物馬齊其力。

等馭夫之祿。

馭夫於趣馬僕夫為中舉中見上下。

宮中之稍食。

師留府史以下也。鄭司農云稍食曰廩。

趣馬掌贊正良馬而齊其飲食。簡其六節。

贊佐也。佐正者謂披人臧僕講馭夫之特簡。差也。節猶量也。差擇王馬以為六等。

掌駕說之頒。

周禮

卷三 司馬政官之職

三

天官

用馬之第次
○說始銳反

辨四時之居治以聽馭夫

居謂牧房所處治為執
駒攻特之屬○房音雅

巫馬掌養疾馬而乘治之相醫而藥攻馬疾受財于投人

乘謂驅步以發其疾知所疾處
乃治之相助也○相息亮反

馬歿則使其賈粥之入其布于投人

布泉也鄭司農云賈謂其屬官
小吏賈一人粥賣也○粥音育

牧師掌牧地皆有厲禁而頒之

頒馬授圍
者所牧處

孟春焚牧

焚牧地以除
陳生新草也

中春通淫

中春陰陽交萬物生之時可以合馬之牝牡也月令季春乃合
累牛騰馬遊牝于牧秦時書也秦地寒涼萬物後動○中音仲
累力
追反

掌其政令凡田事贊焚萊

焚萊者山
澤之虞

廋人掌十有二閑之政教以阜馬佚特教駢攻駒及祭馬祖祭閑
之先牧及執駒散馬耳圉馬

司馬

卷三

司馬政官之職

四

司馬政官之職

九者皆有政教焉。阜盛壯也。詩云：四牡孔阜。杜子春云：佚當為逸。鄭司農云：馬三歲曰駣，二歲曰駒。散讀為中散大夫之散。謂駣馬耳。母令善驚也。玄謂逸者，用之不使甚勞，安其血氣也。散駣始乘習之也。攻駒，制其蹄齧者，閑之先牧，先牧制閑者，散馬耳。以竹括押其耳，頭動搖，則括中物，後遂串習，不復驚。○駣古活反，母音無，令力呈反，中物丁仲反，復扶又反。

正按人員選

按人，謂師圍也。正員選者，選擇可備員者平之。

馬八尺以上為龍，七尺以上為駮，六尺以上為馬。

大小異名。爾雅曰：駮，牡驪，牝玄駒，鬃驂，鄭司農云：以月令曰：駕蒼龍。○裏奴了反。

圉師掌教圉人養馬。春除蓐，釁廄，始牧。夏序馬，冬獻馬。射則克棋質，茨糝則剪闔。

蓐，馬茲也。馬既出而除之，新釁馬，神之也。春秋傳曰：凡馬，日中而出，日中而入，故字序為訝。鄭司農云：當為序，玄謂序，廄也。廄，所以庇馬涼也。充，猶居也。茨，蓋也。闔，苦也。棋質，剪闔，圉人所習也。杜子春讀棋為齊人言，鈇，棋之棋，棋質，所射者習射處。○蓐，音辱，茨在私反，廄，七甫反，射食亦反。

圉人掌養馬芻牧之事，以役圉師。

役者，圉師使令焉。

凡賓客喪紀，牽馬而入陳。

賓客之馬，王所以賜之者。詩云：雖無予之路車，乘馬喪紀之馬，啓後所薦馬。

廄馬亦如之。

廄馬，遣車之馬，人捧之，亦牽而入陳。○捧扶恭反。

職方氏掌天下之圖以掌天下之地辨其邦國都鄙四夷八蠻七閩九貉五戎六狄之人民與其財用九穀六畜之數要周知其利害。

天下之圖如今司空輿地圖也鄭司農云東方曰夷南方曰蠻西方曰戎非方曰貉狄玄謂閩蠻之別也國語曰閩芋蠻矣四八七九五六周之所服國數也財用泉穀貨賄也利金錫竹箭之屬害神姦鑄鼎所象百物也爾雅曰九夷八蠻六戎五狄謂之四海○閩亡巾反貉孟白反畜許六反劉音如

乃辨九州之國使同貫利。

貫事也

東南曰揚州其山鎮曰會稽其澤藪曰具區其川三江其浸五湖

其利金錫竹箭其民二男五女其畜宜鳥獸其穀宜稻。

鎮名山安地德者也會稽在山陰大澤曰藪具區五湖在吳南浸可以為陂灌漑者錫鑼也箭篠也鳥獸孔雀鸞鴉鵲犀象之屬故書箭為晉杜子春云晉當為箭書亦或為箭○陂彼宜反漑古愛反鑼音臘篠素了反鵲音交鵲音精

正南曰荊州其山鎮曰衡山其澤藪曰雲夢其川江漢其浸潁湛

其利丹銀齒革其民一男二女其畜宜鳥獸其穀宜稻。

衡山在湖南雲夢在華容潁出陽城宜屬豫州在此非也湛未聞齒象齒也革犀兕革也杜子春云湛讀當為人名湛之湛或為淮○潁七貢反

河南曰豫州其山鎮曰華山其澤藪曰圃田其川滎雒其浸波澆

其利漆絲枲其民二男三女其畜宜六擾其穀宜五種。

尚禮

卷三 司馬政官之職

六

承襲堂

華山在華陰圃田在中牟榮兗水也出東垣入于河洑為榮榮在滎陽波讀為播禹貢曰滎播既都春秋傳曰楚子除道梁滎營軍歸隨則滎宜屬荊州在此非也林竹木也六擾馬牛羊豕犬雞五種黍稷菽麥稻○滎音詐都本或作豬

正東曰青州其山鎮曰沂山其澤藪曰望諸其川淮泗其浸沂沐

沂山沂水所出也在蓋望諸明都也在睢陽沐出東莞二男二女數等似誤也蓋當與兗州同二男三女鄭司農云淮或為睢沐或為洙

○沐音述

河東曰兗州其山鎮曰岱山其澤藪曰大野其川河洑其浸盧維其利蒲魚其民二男三女其畜宜六擾其穀宜四種

岱山在博野在鉅野盧維當為雷雍字之誤也禹貢曰雷夏既澤雍沮會同雷夏在城陽四種黍稷稻麥○洑子禮反

正西曰雍州其山鎮曰嶽山其澤藪曰弦蒲其川涇汭其浸渭洛其利玉石其民三男二女其畜宜牛馬其穀宜黍稷

嶽吳嶽也及弦蒲在汧涇出涇陽汭在鹵地詩大雅公劉曰汭坻之即洛出懷德鄭司農云弦或為汧蒲或為浦○雍於用反汭如銳反汧口千反坻弓六反詩作鞠

東北曰幽州其山鎮曰醫無閭其澤藪曰蓂蕢其川河洑其浸菑時其利魚鹽其民一男三女其畜宜四擾其穀宜三種

醫無閭在遼東蓂蕢在長廣菑出萊蕪時出般陽四擾馬牛羊豕三種黍稷稻杜子春讀蓂為奚○蓂音兮般步干反

河內曰冀州其山鎮曰霍山其澤藪曰楊紆其川漳其浸汾潞其利松柏其民五男三女其畜宜牛羊其穀宜黍稷

霍山在彘陽紆所在未聞章出長子汾出汾陽路出歸德○汾扶文反長子下文反

正北曰并州其山鎮曰恒山其澤藪曰昭餘祁其川庫池嘔夷其浸淶易其利布帛其民二男三女其畜宜五擾其穀宜五種

恒山在土曲陽昭餘祁在鄆庫池出鹵城嘔夷祁夷與出平舒漆出廣昌易出故安五擾馬牛羊犬豕五種黍稷菽麥稻也凡九州及山鎮澤藪言曰者以其非一曰其大者耳此州界揚荆豫兗雍冀與禹貢略同青州則徐州地也幽并則青冀之北也無徐梁○肅喚胡反池徙多反區烏侯反

乃辨九服之邦國方千里曰王畿其外方五百里曰侯服又其外方五百里曰甸服又其外方五百里曰男服又其外方五百里曰采服又其外方五百里曰衛服又其外方五百里曰蠻服又其外

方五百里曰夷服又其外方五百里曰鎮服又其外方五百里曰藩服

服服事天子也詩云侯服于周

凡邦國千里封公以方五百里則四公方四百里則六侯方三百里則七伯方二百里則二十五子方百里則百男以周知天下

以此率徧知四海九州邦國多少之數也方千里者為方百里者百以方三百里之積以九約之得十一有奇云七百者字之誤也周九州之界方七千里七七四十九方千里者四十九其一為畿內餘四十八八州各有方千里者六周公變殷湯之制雖小國地皆方百里是每事言則者設法也設法者以待有功而大其封一州之中以其千里封公則可四又以其千里封侯則可六又以其千里封伯則可十一又以其千里封子則可二十五又以其千里封男則可百公侯伯子男亦不是過也州二

百一十國以男備其數焉其餘以為附庸四海之國黜陟之功亦如之雖有大國爵稱子而已鄭司農云此制亦見大司徒職曰諸公之地方五百里諸侯之地方四百里諸伯之地方三百里諸子之地方二百里諸男之地方百里○率音律奇紀宜反見賢

凡邦國小大相維。

大國比小國小國事大國各有屬相維聯也○比毗志反

王設其牧。

選諸侯之賢者為牧使牧理之

制其職各以其所能

牧監參伍之屬用能所任秩次

制其貢各以其所有。

國之地物所有

王將巡守則戒于四方曰各修平乃守攷乃職事無敢不敬戒國

有大刑

乃猶女也守謂國竟之內職事所當共具○女音汝竟音境共音恭

及王之所行先道帥其屬而巡戒令。

先道先由王所從道君前行其前日所戒之令

王殷國亦如之。

殷猶衆也十二歲王若不巡守則六服盡朝謂之殷國其戒四方諸侯與巡守同○朝直遙反

同禮

司馬政官之職

示懷堂

王方氏掌土圭之灋以致日景

致日景者夏至景尺有五寸冬至景丈三尺其間則日有長短

以土地相宅而建邦國都鄙

土地猶度地知東西南北之濶而相其可居者宅居也相息亮反度待洛反濶尸鳴反

以辨土宜土化之灋而授任地者

土宜謂九穀值穉所宜也土化地之輕重糞種所宜用也任地者載師之屬

王巡守則樹王宮

為之藩羅

懷方氏掌來遠方之民致方貢致遠物而送迎之達之以節

治其委積館舍飲食

遠方之民四夷之民也諭德延譽以來之遠物九州之外無貢灋而至者達民以旌節達貢物以璽節

合方氏掌達天下之道路

津梁相奏不得阻絕

通其財利

茂遷其有無

同其數器

權衡不得有輕重

周禮

司馬政官之職

十

永懷堂

壹其度量

尺丈金鍾不得有大小

除其怨惡

怨惡邦國相侵虐

同其好善

所好所善謂風俗所高尚○好呼報反

訓方氏掌道四方之政事與其上下之志

道猶言也為王說之四方諸侯也上下君臣也○為于偽反

誦四方之傳道

傳道世世所傳說往古之事也為王誦之若今論聖德堯舜之道矣故書傳為傳杜子春云傳當作傳書亦或為傳○傳直專反注

正歲則布而訓四方

布告以教天下使知世所善惡

而觀新物

四時於新物出則觀之以知民志所好惡志淫行辟則當以政教化正之○惡烏路反行辟下孟反下匹亦反

形方氏掌制邦國之地域而正其封疆無有華離之地

杜子春云離當為雜書亦或為雜玄謂華讀為狐哨之狐正之使不狐邪離絕

使小國事大國大國比小國

司禮

司馬政官之職

七

承襲堂

此猶親也。易比象曰：先王以建萬國親諸侯。

山師掌山林之名辨其物與其利害而頒之于邦國使致其珍異之物。

山林之名與物。若岱畎絲枲暉陽孤桐矣。利其中人。用者害毒物及螫噬之蟲獸。○畎古犬反。螫音釋。

川師掌川澤之名辨其物與其利害而頒之于邦國使致其珍異之物。

川澤之民與物。若泗濱浮磬淮夷蠙珠暨魚澤之崔蒲。○蠙薄田反。

邊師掌四方之地名辨其丘陵墳衍籩隰之名。

地名謂東原大陸之屬。○籩音原。

物之可以封邑者。

物之謂相其土地可以居民立邑。○相息亮反。

匡人掌達灋則匡邦國而觀其慝使無敢反側以聽王命。

灋則八灋八則也。邦國之官府都鄙亦用焉。慝姦偽之惡也。反側猶背違灋度也。書曰：無反無側。王道正直。

擇人掌誦王志道國之政事以巡天下之邦國而語之。

道猶言也。以王之志與政事論說諸侯使不迷惑。

使萬民和說而正王面。

面猶鄉也。使民之心曉而正鄉玉。○說音悅。鄉許亮反。

都司馬掌都之士庶子及其衆庶車馬兵甲之戒令。

庶子。卿大夫士之子。車馬兵甲。備軍發卒。

以國彙掌其政學。

政謂賦稅也。學修德學道。○政音征。

以聽國司馬。

聽者。受行其所徵為也。國司馬。大司馬之屬皆是。

家司馬亦如之。

大夫家臣為司馬者。春秋傳曰。叔孫氏之司馬驪戾。○驪子公反。

周禮卷三十三終

周禮卷三十四

漢大司農北海鄭玄註

皇明後學東吳葛藹訂

秋官司寇第五

惟王建国。辨方正位。體國經野。設官分職。以為民極。乃立秋官司寇。使帥其屬而掌邦禁。以佐王刑邦國。

禁所以防姦者也。刑。正人之法。孝經說曰。刑者。罰也。過出罪施。

刑官之屬。大司寇一人。小司寇中大夫二人。士師下大夫四人。

鄉士上士八人。中士十有六人。旅下士三十有二人。

周禮

卷三十四 司寇刑官之屬

永懷堂

士察也。主察獄訟之事者。鄭司農說以論語曰。柳下惠為士師。鄉士。主六鄉之獄。

府六人。史十有二人。胥十有二人。徒百有二十人。

遂士中士十有二人。府六人。史十有二人。胥十有二人。徒百有二十人。

十人。

遂士。主六遂之獄者。

縣士中士三十有二人。府八人。史十有六人。胥十有六人。徒百有六十人。

六十人。

距王城三百里至四百里曰縣。縣士。主縣之獄者。

方士中士十有六人。府八人。史十有六人。胥十有六人。徒百有六十人。

十人。

方士。主四方都家之獄者。

訝士中士八人。府四人。史八人。胥八人。徒八十人。

訝。迎也。士官之迎四方賓客。○訝。五嫁反。

朝士中士六人。府三人。史六人。胥六人。徒六十人。

朝士。主外朝之法。○朝直。逢反。卷內同。

司民中士六人。府三人。史六人。胥三人。徒三十人。

司民。主民數。

司刑中士二人。府一人。史二人。胥二人。徒二十人。

司禮

卷三 司寇刑官之屬

七

刑律

司刺下士二人。府一人。史二人。徒四人。

刺殺也。三訊罪定則殺之。

司約下士二人。府一人。史二人。徒四人。

約言語之約束。

司盟下士二人。府一人。史二人。徒四人。

盟以約辭告神殺牲歃血明著其信也。曲禮曰。涖牲曰盟。

職金上士二人。下士四人。府二人。史四人。胥八人。徒八十人。

職主也。

司厲下士二人。史一人。徒十有二人。

犯政為惡曰厲。厲士主盜賊之兵器及其奴者。

犬人下士二人。府一人。史二人。賈四人。徒十六人。

賈音嫁。又音古。

司圜中士六人。下士十有二人。府三人。史六人。胥十有六人。徒百

有六十人。

鄭司農云。圜謂圜土也。圜土謂獄城也。今獄城曰圜。司圜職中言凡圜土之刑人也。以此知圜謂圜土也。又大司寇職曰。以圜土聚教罷民。故司圜職曰。掌收教罷民。○罷音皮。

掌囚下士十有二人。府六人。史十有二人。徒百有二十八人。

囚拘也。主拘繫當刑殺之者。

司禮

司寇刑官之屬

五

禮堂

掌戮下士二人史一人徒十有二人。

戮猶辱也既斬殺又辱之。

司隸中士二人下士十有二人府五人史十人胥二十人徒二百人。

隸給勞辱之役者漢始置司隸亦使將徒治道溝渠之役後稍尊之使主官府及近郡。

罪隸百有二十人。

盜賊之家為奴者。

蠻隸百有二十人。

征南夷所獲。

閩隸百有二十人。

閩南蠻之別。

夷隸百有二十人。

征東夷所獲。

貉隸百有二十人。

征東北夷所獲凡隸衆矣此其選以為役員其餘謂之隸。○貉音陌。

布憲中士二人下士四人府二人史四人胥四人徒四十人。

憲表也主表刑禁者。

禁殺戮下士二人史一人徒十有二人。

司禮

卷三

司寇刑官之屬

四

永懷堂

禁殺戮者，禁民不得相殺戮。

禁暴氏下士六人。史三人。胥六人。徒六十人。

野廬氏下士六人。胥十有二人。徒百有二十人。

廬，賓客行道所舍。

蜡氏下士四人。徒四十人。

蜡，骨肉腐臭，蠅蟲所蜡也。月令曰：掩骼埋骹，此官之職也。蜡，讀如狙司之狙。

雍氏下士二人。徒八人。

雍，謂隄坊止水者也。

萍氏下士二人。徒八人。

鄭司農云：萍，讀為蜚，或為萍，號起雨之萍。玄謂今天問萍，號作萍，爾雅曰：萍，泝其大者，蘋，讀如小子言平之平。萍氏主水禁，萍之草，無根而浮，取名於其不沉溺。○蜚，蒲丁反。

司寤氏下士二人。徒八人。

寤，覺也。主夜覺者。○覺，音教。

司烜氏下士六人。徒十有六人。

烜，火也。讀如衛侯燬之燬，故書燬為垣。鄭司農云：當為烜。○烜，音毀。注燬同垣。音袁。

條狼氏下士六人。胥六人。徒六十人。

杜子春云：條，當為滌，器之滌。玄謂滌，除也。狼，狼扈道上。○條，音滌。注同。

修閭氏下士二人。史一人。徒十有二人。

司禮

卷五

司寇刑官之屬

五

永懷堂

閭謂里門

冥氏下士二人徒八人

鄭司農云冥讀為冥氏春秋之冥玄謂冥方之冥以繩糜取禽獸之名

庶氏下士一人徒四人

庶讀如藥煮之煮驅除毒蟲之言書不作盡者字從聲○庶音煮

穴氏下士一人徒四人

穴搏蟻獸所藏者

翬氏下士二人徒八人

翬鳥翻也鄭司農云翬讀為翬翼之翬○翬音翹

柞氏下士八人徒二十人

柞除木之名除木者必先刊剥之鄭司農云柞讀為音聲借借之借屋竿之竿○柞側百反注竿皆同

薙氏下士二人徒二十人

書薙或作夷鄭司農云掌殺草故春秋傳曰如農夫之務去草芟夷薙崇之又今俗間謂麥下為夷下言芟夷其麥以其下種禾豆也玄謂薙讀如鬚小兒頭之鬚書或作夷此皆薙草也字從類耳月令曰燒薙行水謂燒所芟草乃水之○薙或作雉同它計反去起呂反芟所銜反鬚它計反

荝蒺氏下士一人徒二人

鄭司農云荝讀為藪蒺讀為爵蒺之蒺謂巢也玄謂荝古字從石折聲○荝音摘

翦氏下士一人徒二人

司豐

司寇刑官之屬

六

承襲堂

剪斷滅之言也主除蠱
蠱者詩云實始剪商

赤友氏下士一人徒二人

赤友猶言赤拔也主除虫
牙自埋者○赤承音反

蝮氏下士一人徒二人

鄭司農云蝮讀為蝮蝮蟻也月令曰蝮蝮鳴故曰掌去蝮蝮
畫蝮蝮蟻屬書或為掌去蝮蟻玄謂蝮今御所食蛙也字從虫
國聲也蝮乃短狐與○蝮古獲反蝮音或蝮
音遐墓音麻畫戶蝮反蝮莫辛反蛙戶蝮反

壺涿氏下士二人徒二人

壺謂瓦鼓涿擊之也故書涿為獨鄭司農云獨
讀為濁其源之濁音與涿相近書亦或為濁

庭氏下士一人徒二人

庭氏主射妖易令國中黎
清如庭者也○射食亦反

銜枚氏下士二人徒八人

銜枚止言語踴謹也枚狀如著橫銜之為之
纏結於項○躡五高反纏戶卦反又胡麥反

伊耆氏下士一人徒二人

伊耆古王者號始為蜡以息老物此主王者之齒杖後王識伊
耆氏之舊德而以名官與今姓有伊耆氏○耆巨之反蜡仕詐
反

天行人中大夫二人小行人下大夫四人司儀上士八人中士十

有六人行夫下士三十有二人府四人史八人胥八人徒八十人

行夫主國使之
禮○使所吏反

司禮

司寇刑官之屬

七

亦懷堂

環人。中士四人。史四人。胥四人。徒四十人。

環猶圍也。主圍賓客。任器為之守衛。

象胥。每翟上士一人。中士二人。下士八人。徒二十人。

通夷狄之言者曰象胥。其有才知者也。此類之本名。東方曰寄。南方曰象。西方曰狄。鞮。北方曰譯。合總名曰象者。周之德先致南方也。○知音智。鞮丁兮反。譯音亦。

掌客。上士二人。下士四人。府一人。史二人。胥二人。徒三十人。

掌訝。中士八人。府二人。史四人。胥四人。徒四十人。

訝迎也。賓客來主迎之。鄭司農云。訝讀為跛者。訝跛者之訝。○跛波可反。

掌交。中士八人。府二人。史四人。徒三十有二人。

主交通結諸侯之好。

掌察四方。中士八人。史四人。徒十有六人。

掌貨賄。下士十有六人。史四人。徒三十有二人。

朝大夫。每國上士二人。下士四人。府一人。史二人。庶子八人。徒二十人。

此王之士也。使主都家之國治而命之朝大夫云。

都則。中士一人。下士二人。府一人。史二人。庶子四人。徒八十人。

都則主都家之八則者也。當言每都如朝大夫及都司馬云。

都士。中士二人。下士四人。府二人。史四人。胥四人。徒四十人。家士

周禮

卷五

司寇刑官之屬

九

天官

亦如之。

都家之士，主治都家吏民之獄。訟以告方士者也，亦當言每都。

大司寇之職，掌建邦之三典，以佐王刑邦國，詰四方。

典，法也。詰，謹也。書曰：王耄荒度。作詳刑以詰四方。○度，待洛反。

一曰刑新國用輕典。

新國者，新辟地立君之國，用輕法者，為其民未習於教。○為于僞反。

二曰刑平國用中典。

平國，承平守成之國也。用中典者，常行之法。

三曰刑亂國用重典。

亂國，篡弑叛逆之國，用重典者，以其化惡伐滅之。

以五刑糾萬民。

刑，亦法也。糾，猶察異之。

一曰野刑，上功糾力。

功，農功。力，勤力。

二曰軍刑，上命糾守。

命，將命也。守，不失部伍。○守音符。將子匪反。

三曰鄉刑，上德糾孝。

德，六德也。善。父母為孝。

周禮

卷五

司寇刑官之職

九

承襲堂

四曰官刑。上能糾職。

能能其事也。職職事修理。

五曰國刑。上愿糾暴。

愿慤慎也。暴當為恭字之誤也。

以圜土聚教罷民。

圜土，獄城也。聚罷民其中，困苦以教之為善也。民不慤，作勞有似於罷。○罷音皮，慤音敏。

凡害人者，寘之圜土而施職事焉，以明刑恥之。

害人謂為邪惡，已有過失，麗於法者，以其無故犯法，寘之圜土，繫教之，庶其困悔而能改也。寘，置也。施職事，以所能役使之明刑，書其罪惡於大方版。著其時。○著，丁略反。

其能改者，反于中國，不齒三年。

反于中國，謂舍之還於故鄉里也。司圜職曰：上罪三年而舍，中罪二年而舍，下罪一年而舍，不齒者，不得以年次列於平民。

其不能改而出圜土者殺。

出謂逃亡。

以兩造禁民訟，入束矢於朝，然後聽之。

訟，謂以財貨相告者。造，至也。使訟者兩至，既兩至，使入束矢，乃治之也。不至不入束矢，則是自服不直者也。必入矢者，取其直也。詩曰：其直如矢。古者一弓百矢，束矢其百簡與。○造，七報反。

以兩劑禁民獄，入鈞金三日，乃致于朝，然後聽之。

獄，謂相告以罪名者。劑，今券書也。使獄者各齎券書，既兩齎券書，使入鈞金，又三日，乃治之重刑也。不券書不入金，則是亦自服。

司豐

司寇刑官之職

司寇

不直者也必入金者取其堅也三十斤曰鈞。○劑子隨反

以嘉石平罷民

嘉石文石也樹之外朝門左平成也成之使善

凡萬民之有罪過而未麗於灋而害於州里者桎梏而坐諸嘉石役諸司空重罪旬有三日坐暮役其次九日坐九月役其次七日坐七月役其次五日坐五月役其次下罪三日坐三月役使州里任之則宥而舍之

有罪過謂邪惡之人所罪過者也麗附也未附於灋未著於灋也木在足曰桎在手曰梏役諸司空坐日訖使給百工之役也役月訖使其州里之人任之乃赦之宥寬也。○著直略反

以肺石達窮民

肺石赤石也窮民天民之窮而無告者

凡遠近惇獨老幼之欲有復於上而其長弗達者立於肺石三日士聽其辭以告於上而罪其長

無兄弟曰惇無子孫曰獨復猶報也上謂王與六卿也報之者若上書請公府言事矣長謂諸侯若鄉遂大夫。○惇其營反長丁丈反上時掌反

正月之吉始和布刑于邦國都鄙乃縣刑象之灋于象魏使萬民觀刑象挾日而斂之

正月朔日布五刑於天下正歲又縣其書重之。○縣音玄

凡邦之大盟約。涖其盟書而登之于天府。

涖臨也。天府。祖廟之藏。○藏才浪反。

大史內史司會及六官皆受其貳而藏之。

六官。六卿之官也。貳。副也。

凡諸侯之獄訟以邦典定之。

邦典。六典也。以六典待邦國之治。

凡卿大夫之獄訟以邦灋斷之。

邦灋。八灋也。以八灋待官府之治。○斷丁亂反。

凡庶民之獄訟以邦成弊之。

邦成。八成也。以官成待萬民之治。故書弊為慙。鄭司農云。慙當為弊。邦成謂若今時決事比也。弊之斷其獄訟也。故春秋傳曰。弊獄邢侯。○弊必世反。

大祭祀奉犬牲。

奉猶進也。

若禋祀五帝則戒之日涖誓百官戒于百族。

戒之日。卜之日也。百族。謂府史以下也。郊特牲曰。卜之日。王立于澤。親聽誓命。受教諫之義也。獻命。庫門之內。戒百官也。太廟之內。戒百姓也。

及納亨。前王祭之日亦如之。

納亨。致牲。○亨普庚反。

周禮

卷三 司寇刑官之職

七

刑官

奉其明水火。

明水火所取於日月者。

凡朝覲會同前王。大喪亦如之。

大喪所前或嗣王。

大軍旅。泣戮于社。

社謂社主在軍者也。鄭司農說以書曰。用命賞于祖。不用命戮于社。

凡邦之大事。使其屬蹕。

屬士師以下也。故書蹕作避。杜子春云。避當為辟。謂辟除姦人也。玄謂蹕。止行也。○蹕本亦作蹕。音畢。

周禮卷三十四終

周禮卷三十五

漢大司農北海鄭 玄註

皇明 後學東吳金 蟠訂

司寇刑官之職

小司寇之職。掌外朝之政。以致萬民而詢焉。一曰。詢國危。二曰。詢

國遷。三曰。詢立君。

外朝朝在雉門之外者也。國危謂有兵寇之難。國遷謂徙都改邑也。立君謂無冢適。選於庶也。鄭司農云。致萬民聚萬民也。詢謀也。詩曰。詢于芻蕘。書曰。謀及庶人。○難乃且反。適丁歷反。

其位。王南鄉。三公及州長百姓北面。羣臣西面。羣吏東面。

司農

卷三十五

司寇刑官之職

一

永懷堂

羣臣卿大夫士也羣吏府吏也其孤不見者孤從羣臣卿大夫在公後○鄉許亮反長丁丈反見賢遍反

小司寇擯以敘進而問焉以衆輔志而弊謀

擯謂揖之使前也叙更也輔志者尊王賢明也○更音庚

以五刑聽萬民之獄訟附于刑用情訊之至于旬乃弊之讀書則

用灋

附猶著也故書附作付訊言也用情理言之異有可以出之者卜日乃斷之王制曰刑者例也例者成也一成而不可變故君子盡心焉鄭司農云讀書則用灋如今時讀鞫已乃論之○鞫九六反

凡命夫命婦不躬坐獄訟

為治獄吏褻尊者也躬身也不身坐者必使其屬若子弟也喪服傳曰命夫者其男子之為大夫者命婦者其婦人之為大夫

之妻者春秋傳曰衛侯與元咺訟甯武子為輔鍼嚴子為坐士榮為大理○為治于偽反咺况阮反鍼其廉反嚴左傳作莊案漢書明帝名莊改為嚴

凡王之同族有罪不即市

鄭司農云刑諸甸師氏禮記曰刑于隱者不與國人慮兄弟

以五聲聽獄訟求民情

一曰辭聽

觀其出言不直則煩

二曰色聽

觀其顏色不直則赧然○赧女板反

司書

司寇刑官之職

三曰氣聽

觀其氣息不直則喘。○喘昌亮反。

四曰耳聽

觀其聽聆不直則惑。

五曰目聽

觀其眸子視不直則眊然。○眊莫報反。

以八辟麗邦灋附刑罰

辟灋也。杜子春讀麗為羅，玄謂麗附也。易曰：日月麗乎天，故書附作付，附猶著也。

一曰議親之辟

鄭司農云：若今時宗室有罪，先請是也。

二曰議故之辟

故謂舊知也。鄭司農云：故舊不遺，則民不偷。

三曰議賢之辟

鄭司農云：若今時廉吏有罪，先請是也。玄謂賢有德行者，○行下孟反。

四曰議能之辟

能謂有道藝者。春秋傳曰：夫謀而鮮過，惠訓不倦者，叔向有焉。社稷之固也。猶將十世宥之，以勸能者。今壹不免其身，以棄社稷，不亦惑乎。○夫音扶。鮮息淺反，向許亮反。

五曰議功之辟

謂有大勳
勞立功者

六曰議貴之辟。

鄭司農云若今時吏
墨綬有罪先請是也

七曰議勤之辟。

謂憔悴
以事國

八曰議賔之辟。

謂所不臣者三
恪二代之後與

以三刺斷庶民獄訟之中。

史謂罪正所定○
斷丁亂反後同

一曰訊羣臣。二曰訊羣吏。三曰訊萬民。

刺殺也三訊罪定
則殺之訊言也

聽民之所刺宥以施上服下服之刑。

宥寬也民言殺殺之言寬寬之上服劓
墨也下服宮刑也○劓魚器反刑音月

及大比登民數自生齒以上登于天府。

大比三年大數民之眾寡也人生齒而體備男八
月而生齒女七月而生齒○比毗志反上時掌反

內史司會冢宰貳之以制國用。

人數定而九賦可
知國用乃可制取

小祭祀奉犬牲。

周禮

卷五 司寇刑官之職

四

刑禮堂

奉猶進也

凡禋祀五帝實鑊水納亨亦如之

納亨致牲也其時鑊水當以洗解牲體肉○鑊戶郭反

大賓客前王而辟

鄭司農云小司寇為王道辟除姦人也若今時執金吾下至令尉奉引矣○辟婢亦反後而辟皆放此道音導

后世子之喪亦如之

小師涖戮

小師王不自出之師

凡國之大事使其屬蹕

東三日蹕萬里

屬士師以下

孟冬祀司民獻民數於王王拜受之以圖國用而進退之

司民星名謂軒轅角也小司寇於祀司民而獻民數於王重民也進退猶損益也國用民眾則益民寡則損

歲終則令羣士計獄弊訟登中于天府

上其所斷獄訟之數

正歲帥其屬而觀刑象令以木鐸曰不用灋者國有常刑令羣士

羣士遂士以下

乃宣布于四方憲刑禁

宣徧也憲表也謂縣之也刑禁士師之五禁

周禮

卷三司寇刑官之職

五

承慶堂

乃命其屬入會乃致事。

得其屬之計乃令致之於王。○會古外反後要會皆放此。

士師之職掌國之五禁之灋以左右刑罰。一曰宮禁。二曰官禁。三

曰國禁。四曰野禁。五曰軍禁。皆以木鐸徇之于朝。書而縣于門間。

左右助也。助刑罰者。助其禁民為非也。宮。王宮也。官。官府也。國。城中也。古之禁盡亡矣。今宮門有簿籍。官府有無故擅入。城門有雜載。下帷。野有田律。軍有躡謹夜行之禁。其猶可言者。○縣音玄。猶音粗。

以五戒先後刑罰。毋使罪麗于民。一曰誓。用之于軍旅。二曰誥。用

之于會同。三曰禁。用諸田役。四曰糾。用諸國中。五曰憲。用諸都鄙。

先後猶左右也。誓。誥。於書則甘誓湯誓大誥康誥之屬。禁。則軍禮。曰無干車。無白後射。此其類也。糾。憲。未有聞焉。○射。食亦反。

掌鄉合州黨族閭比之聯。與其民人之什伍。使之相安相受。以比追胥之事。以施刑罰慶賞。

鄉。合。鄉所合也。追。追寇也。胥。讀如宿。胥之胥。胥。謂司捕盜賊也。○比。毗志反。比。追如字。

掌官中之政令。

大司寇之官府中也。

察獄訟之辭。以詔司寇。斷獄弊訟。致邦令。

詔。司寇。若今白聽。正灋解也。致。邦令者。以灋報之。

掌士之八成。

鄭司農云。八成者。行事有八篇。若今時決事比。○此必利反。

司書

司寇刑官之職

六

承慶堂

一曰邦汙。

鄭司農云汙讀如酌酒尊中之酌國汙者斟酌盜取國家密事若今時刺探尚書事○汙上灼反刺七亦反

二曰邦賊。

為逆亂者

三曰邦諜。

為異國反間○間間廁之間

四曰犯邦令。

干冒王教令者○冒音墨

五曰撓邦令。

稱詐以有為者○撓音矯

六曰為邦盜。

竊取國之寶藏者○藏才浪反

七曰為邦朋。

朋黨相阿使政不平者故書朋作備鄭司農云朋讀如朋友之朋○備補鄧反

八曰為邦誣。

誣罔君臣使事失實

若邦凶荒則以荒辯之灋治之。

鄭司農云辯讀為風別之別救荒之政十有二而士師別受其教條是為荒別之灋玄謂辯當為貶聲之誤也遭飢荒不明判

國事有所貶損作權時濫也朝士職曰若邦凶荒札喪寇戎之故則令邦國都家縣鄙慮刑貶○風別之別皆彼列反

令移民通財糾守緩刑

移民就賤救困也通財補不足也糾守衛盜賊也緩刑紓民心也

凡以財獄訟者正之以傅別約劑

傅別中別手書也約劑各所持券也故書別為辨鄭司農云傅或為付辨讀為風別之別若今時市買為券書以別之各得其一訟則案券以正之

若祭勝國之社稷則為之尸

以刑官為尸略之也周謂凶殷之社為亳社

王燕出入則前驅而辟

道王且辟行人道音導

祀五帝則沃尸及王盥洎鑊水

洎謂增其沃汁洎音與

凡刳珥則奉犬牲

珥讀為珥刳珥釁禮之專用牲毛者曰刳羽者曰珥○刳音機珥而志反注珥同

諸侯為賓則帥其屬而蹕于王宮

謂諸侯來朝皆燕饗時

大喪亦如之

大師帥其屬而禁逆軍旅者與犯師禁者而戮之

周禮

卷五 司寇刑官之職

八

卷五

逆軍旅反將命也犯師禁于行陳也
○將子匠反行凡剛反陳直忍反

歲終則令正要會

定計簿

正歲帥其屬而憲禁令于國及郊野

去國百里為郊
郊外謂之野

鄉士掌國中

鄭司農云謂國中至百里郊也玄謂其地則距王城百
里內也言掌國中此主國中獄也六鄉之獄在國中

各掌其鄉之民數而糾戒之

鄉士八人言各者
四人而分主三鄉

聽其獄訟察其辭

察審也

辯其獄訟異其死刑之罪而要之旬而職聽于朝

辯異謂殊其文書也要之為其罪濫之要辭如今劾矣十日
乃以職事治之於外朝容其自反覆○劾戶代反覆芳服反

司寇聽之斷其獄弊其訟于朝羣士司刑皆在各麗其灋以議獄

訟

麗附也各附致
其灋以成議也

獄訟成士師受中協日刑殺肆之三日

受中謂受獄訟之成也鄭司農云士師受中若今二千石受其
獄也中者刑罰之中也故論語曰刑罰不中則民無所措手足

司禮

卷之四 司寇刑官之職

九

承襲

協日刑殺協合也和也和合支幹善日若今時望後利日也肆之三日故春秋傳曰三日棄疾請尸論語曰肆諸市朝玄謂士師既受獄訟之成鄉士則擇可刑殺之日至其時而往泄之尸之三日乃反也○中丁仲反

若欲免之則王會其期

免猶赦也期謂鄉士職聽于朝司寇聽之日王欲赦之則用此時親往議之

大祭祀大喪紀大軍旅大賓客則各掌其鄉之禁令帥其屬夾道而蹕

屬中士以下

三公若有邦事則為之前驅而辟其喪亦如之

鄭司農云鄉士為三公道也若今時三公出城郡督郵盜賊道也○為于偽反

凡國有大事則戮其犯命者

遂士掌四郊

鄭司農云謂百里外至三百里也玄謂其地則距王城百里以外至二百里言掌四郊者此主四郊獄也六遂之獄在四郊

各掌其遂之民數而糾其戒令

遂士十二人言各者二人而分主一遂

聽其獄訟察其辭辨其獄訟異其次刑之罪而要之二旬而職聽于朝司寇聽之斷其獄弊其訟于朝羣士司刑皆在各麗其灋以議獄訟獄訟成士師受中協日就郊而刑殺各於其遂肆之三日

就郊而刑殺者遂士也遂士擇刑殺日至其時往泄之如鄉士為之矣言各於其遂者四郊六遂遂處不同

司寇

卷三

司寇刑官之職

九

承懷堂

若欲免之則王令三公會其期。

令猶命也王欲赦之則用遂士職聽之時命三公往議之

若邦有大事聚眾庶則各掌其遂之禁令帥其屬而蹕。

大事王所親也

六卿若有邦事則為之前驅而辟其喪亦如之凡郊有大事則戮其犯命者。

縣士掌野。

鄭司農云掌三百里至四百里大夫所食晉韓須為公族大夫食縣玄謂地距王城二百里以外至三百里曰野三百里以外至四百里曰縣四百里以外至五百里曰都都縣野之地其邑非王子弟公卿大夫之采地則皆公邑也謂之縣縣士掌其獄

焉言掌野者郊外曰野大摠言之也獄居近野之縣獄在二百里上縣之縣獄在三百里上都之縣獄在四百里上

各掌其縣之民數糾其戒令而聽其獄訟察其辭辨其獄訟異其死刑之罪而要之三旬而職聽于朝司寇聽之斷其獄弊其訟于朝羣士司刑皆在各麗其灋以議獄訟獄訟成士師受中協日刑殺各就其縣肆之三日。

刑殺各就其縣者亦謂縣士也

若欲免之則王命六卿會其期。

期亦謂縣士職聽之時

若邦有大役聚眾庶則各掌其縣之禁令若大夫有邦事則為之

刑

司寇刑官之職

士

刑

前驅而辟其喪亦如之凡野有大事則戮其犯命者

野距王城二百里以外及縣都

方士掌都家

鄭司農云掌四百里至五百里公所食魯季氏食於都玄謂都王子弟及公卿之采地家大夫之采地大都在置地小都在縣地家邑在稍地不言掌其民數民不純屬王○置居良反

聽其獄訟之辭辨其死刑之罪而要之三月而上獄訟于國

三月乃上要者又變朝言國以其自有君異之○上時掌反

司寇聽其成于朝羣士司刑皆在各麗其灋以議獄訟

成平也鄭司農說以春秋傳曰晉邢侯與雍子爭鄙田久而無成○鄙許六反

獄訟成士師受中書其刑殺之成與其聽獄訟者

都家之吏斷獄日刑殺但書其成與治獄之吏姓名備反覆有失實者

凡都家之大事聚眾庶則各掌其方之禁令

方士十六人言各掌其方者四人而主一方也其方以王之事動眾則為班禁令焉

以時修其縣灋若歲終則省之而誅賞焉

縣灋縣師之職也其職掌邦國都鄙稍甸郊野之地域而辨其夫家人民田萊之數及其六畜車輦之稽方士以四時修此灋歲終又省之則與掌民數亦相近

凡都家之士所上治則主之

都家之士都士家士也所上治者謂獄訟之小事不附罪者也主之告於司寇聽平之

司豐

卷五

司寇刑官之職

七

刑律

周禮 卷之三 司寇 第十

鄭司農云四方諸侯之獄訟

論罪刑于邦國

告曉以麗罪及制刑之本意

凡四方之有治於士者造焉

謂讞疑辨事先來請乃通之於士也士王謂士師也如今郡國亦時遣主者吏詣廷尉議者造七報反讞魚竭反

四方有亂獄則往而成之

亂獄謂若君臣宣淫上下相虐者也往而成之猶呂步舒使治淮南獄

邦有賓客則與行人送逆之入於國則為之前驅而辟野亦如之

居館則帥其屬而為之蹕誅戮暴客者客出入則道之有治則贊之

送逆謂始來及去也出入謂朝覲於王時也春秋傳曰晉侯受策以出出入三覲入國入野自以時事

凡邦之大事聚眾庶則讀其誓禁

朝士掌建邦外朝之灋左九棘孤卿大夫位焉羣士在其後右九棘公侯伯子男位焉羣吏在其後面三槐三公位焉州長眾庶在其後左嘉石平罷民焉右肺石達窮民焉

樹棘以為位者取其赤心而外刺象以赤心三刺也槐之言懷也懷來人於此欲與之謀羣吏謂府史也州長鄉遂之官鄭司農云王有五門外曰臯門二曰雉門三曰庫門四曰應門五曰路門路門一曰畢門外朝在路門外內朝在路門內左九棘右

司寇 第十 司寇刑官之職 左

九棘故易曰係用徽纆寘于叢棘玄謂明堂位說魯公宮曰庫門天子臯門雉門天子應門言魯用天子之禮所名曰庫門者如天子臯門所名曰雉門者如天子應門此名制二兼四則魯無臯門應門矣檀弓曰魯莊公之喪既葬而經不入庫門言其除喪而反由外來是庫門在雉門外必矣如是王五門雉門為中門雉門設兩觀與今之宮門同闕人幾出入者窮民益不得入也郊特牲譏繹於庫門內言遠當于廟門廟在庫門之內見於此矣小宗伯職曰建國之神位右社稷左宗廟然則外朝在庫門之外臯門之內與今司徒府有天子以下大會殿亦古之外朝哉周天子諸侯皆有三朝外朝一內朝二內朝之在路門內者或謂之燕朝○長丁丈反罷音皮纆亡北反寘于之鼓反觀古亂反見賢遍反

帥其屬而以鞭呼趨且辟

趨朝辟行人執鞭以威之

禁慢朝錯立族談者

慢朝謂臨朝不肅敬也錯立族談○違其位傳語也○傳徐子損反

凡得獲貨賄人民六畜者委于朝告于士旬而舉之大者公之小

者庶民私之

俘而取之曰獲委於朝十日待來識之者人民謂刑人奴隸逃亡者司隸職曰帥其民而搏盜賊鄭司農云若今時得遺物及放失六畜持詣鄉亭燕廷大者公之小者私之小者未亂七歲以下○俘音孚亂初謹反

凡士之治有期日國中一旬郊二旬野三旬都三月邦國其期內之治聽期外不聽

鄭司農云謂在期內者聽期外者不聽若今時徒論決滿三月不得乞鞫○期居其反鞫九六反

周禮

司寇刑官之職

上

永懷堂

凡有責者有判書以治則聽。

判半分而合者故書判為辨鄭司農云謂若今時辭訟有券書者為治之辨讀為別謂別券也玄謂古者出責之息亦如其國服與○為治于偽反別彼列反

凡民同貨財者令以國灋行之犯令者刑罰之。

鄭司農云同貨財者謂合錢共買者也以國灋行之司市為節以遺之玄謂同貨財者富人蓄積者多時收斂之之時以國服之灋出之雖有騰躍其贏不得過此以利出者與取者過此則罰之若今時加貴取息坐臧

凡屬責者以其地傳而聽其辭。

鄭司農云謂訟地畔畧者田地町畔相比屬故謂之屬資以地傳而聽其辭以其比畔為證也玄謂屬責轉責使人歸之而本土死亡歸後之數相抵冒者也以其地之人相比近能為證者來乃受其辭為治之○此毗志反

凡盜賊軍鄉邑及家人殺之無罪。

鄭司農云謂盜賊羣輩若軍共攻盜鄉邑及家人者殺之無罪若今時無故入人室宅廬舍上人車船牽引人欲犯法者其時格殺之無罪○上時掌反

凡報仇讐者書於士殺之無罪。

謂同國不相辟者將殺之必先言之於士○辟音避

若邦凶荒札喪寇戎之故則令邦國都家縣鄙慮刑貶。

故書慮為憲貶為寔杜子春云寔當為禁憲謂備書以明之玄謂慮謀也貶猶減也謂當圖謀緩刑且減國用謂民困也所貶視時為多少之灋○寔波驗反

司民掌登萬民之數自生齒以上皆書於版辨其國中與其都鄙。

及其郊野。異其男女。歲登下其死生。

登上也。男八月。女七月。而生齒。版令戶籍也。下猶去也。每歲更著生去死。○去起呂反。著丁丈反。

及三年大比。以萬民之數。詔司寇。司寇及孟冬祀司民之日。獻其數于王。王拜受之。登于天府。內史司會冢宰貳之。以贊王治。

鄭司農云。文昌宮三能屬軒轅角。相與為體。近文昌為司命。次司祿。次司民。玄謂司民。軒轅角也。天府。主祖廟之藏者。贊。佐也。三官以貳佐王治者。當以民多。少黜陟主民之吏。○能吐才反。

周禮卷三十五終

周禮卷三十六

漢大司農北海鄭玄註

皇明後學東吳葛鼎訂

司寇刑官之職

司刑掌五刑之灋。以麗萬民之罪。墨罪五百。劓罪五百。宮罪五百。剕罪五百。殺罪五百。

墨。黥也。先刻其面。以墨室之。劓。截其鼻也。今東西夷或以墨劓為俗。古刑人亡逃者之世類。與宮者。丈夫則割其勢。女子閉於宮中。若今宦男女也。剕。斷足也。周改臙作刑。殺。死刑也。善傳曰。決關梁。踰城郭而略盜者。其刑臙。男女不以義交者。其刑宮。觸易君命。革輿服。制度。姦軌盜攘傷人者。其刑劓。非事而事之。出入不以道義而誦不詳之辭者。其刑墨。降畔。寇賊劫略奪攘。橋

周禮

卷三十五

司寇刑官之職

永懷堂

度者其刑死此二千五百罪之目略也其刑書則亡夏刑大辟二百贖辟三百官辟五百劓墨各千周刑變焉所謂刑罰世輕世重者也鄭司農云漢孝文帝十三年除肉刑○劓魚器反室本又作涅同乃結反斷丁管反降戶江反橋居兆反

若司寇斷獄弊訟則以五刑之灋詔刑罰而以辨罪之輕重

詔刑罰者處其所應不加今律家所署灋矣

司刺掌三刺三宥三赦之灋以贊司寇聽獄訟

刺殺也訊而有罪則殺之宥寬也赦舍也

壹刺曰訊羣臣再刺曰訊羣吏三刺曰訊萬民

壹宥曰不識再宥曰過失三宥曰遺忘

鄭司農云不識謂愚民無所識則宥之過失若今律過失殺人

壹赦曰幼弱再赦曰老旄三赦曰蠢愚

蠢愚生而癡騃童昏者鄭司農云幼弱老旄若今律今年未滿八歲八十以上非手殺人他皆不坐○耄本又作旄蠢勅江反

以此三灋者求民情斷民中而施上服下服之罪然後刑殺

上服殺與墨劓下服官刑也司約職目其不信者服墨刑凡行刑必先規識所刑之處乃後行之

司約掌邦國及萬民之約劑治神之約為上治民之約次之治地

司約掌邦國及萬民之約劑治神之約為上治民之約次之治地

之約次之。治功之約次之。治器之約次之。治摯之約次之。

此六約者，諸侯以下，至於民皆有焉。劑謂券書也。治者，理其相抵肩上下之差也。神約謂命祀郊社羣望及所祖宗也。夔子不祀祝融，楚人伐之，民約謂征稅遷移，仇讐既和，若懷宗九姓在晉，殷民八族七族在魯，衛皆是也。地約謂經界所至田萊之比也。功約謂王功國功之屬實爵所及也。器約謂禮樂吉凶車服所得用也。摯約謂玉帛禽鳥相與往來也。○約於妙反，此毗志反。

凡大約劑書於宗彝，小約劑書於丹圖。

大約劑，邦國約也。書於宗廟之六彝，欲神監焉。小約劑，萬民約也。丹圖未聞，或有彫器簠簋之屬，有圖象者與。春秋傳曰：斐豹隸也，著於丹書。今俗語有鐵券丹書，豈此舊典之遺言。○若大亂則六官辟藏其不信者殺。

若大亂則六官辟藏其不信者殺。

大亂謂僭約若吳楚之君，晉文公請隧以葬者，六官辟藏明罪大也。六官初受盟約之貳。

司盟掌盟載之灋。

載，盟辭也。盟者，書其辭於策，殺牲取血，坎其牲，加書於上而埋之，謂之載書。春秋傳曰：宋寺人惠牆伊戾坎用牲，加書為世子。○瘞才戈反。

凡邦國有疑會同，則掌其盟約之載，及其禮儀北面詔明神既盟，則貳之。

司盟

司寇刑官之職

有疑不協也。明神神之明察者，謂日月山川也。觀禮加方明于壇上，所以依之也。詔之者，讀其載書以告之也。貳之者，寫副當以授六官。

盟萬民之犯命者，詛其不信者，亦如之。

盟詛者，欲相與共惡之也。犯命，犯君教令也。不信，違約者也。春秋傳曰：臧紇犯門斬關以出，乃盟臧氏。又曰：鄭伯使卒出玃行，出大雞，以詛射穎考叔者。○詛，側慮反。惡，烏路反。紇，恨發反。行，戶剛反。射食亦反。

凡民之有約劑者，其貳在司盟。

齊之者，檢其自相違約。

有訟獄者，則使之盟詛。

不信，則不敢聽此。盟詛，所以省獄訟。

凡盟詛，各以其地域之衆庶，共其牲而致焉。既盟，則爲司盟共祈

酒脯。

使其邑閭出牲而來盟，既又使出酒脯，司盟爲之祈明神，使不信者必凶。○爲于僞反。

職金掌凡金玉錫石丹青之戒令。

青，空青也。

受其入征者，辨其物之媿惡，與其數量，楛而璽之，入其金錫于爲兵器之府，入其玉石丹青于守藏之府。

爲兵器者，攻金之工六也。守藏者，玉府內府也。鄭司農云：受其入征者，謂主受采金玉錫石丹青者之租稅也。楛而璽之者，楛書其數量以著其物也。璽者，印也。既楛書，掄其數量，又以印封之。今時之書有所表識，謂之楛璩。○楛音竭。守音狩。著直略反。

申志反

入其要。

要凡數也入之於大府

掌受士之金罰貨罰入于司兵。

給治兵及工直也貨泉貝也罰罰贖也書曰金作贖刑○贖音蜀

旅于上帝則共其金版饗諸侯亦如之。

餅金謂之版此版所施未聞○餅必領反

凡國有大故而用金石則掌其令。

主其取之令也用金石者作槍雷椎椁之屬○槍七羊反雷當為礮郎對反椁宅耕反

司厲掌盜賊之任器貨賄辨其物皆有數量賈而楮之入于司兵。

鄭司農云任器貨賄謂盜賊所用傷人兵器及所盜財物也入于司兵若今時傷殺人所用兵器盜賊賊加責沒入縣官○賈嫁音

其奴男子入于罪隸女子入于春臺。

鄭司農云謂坐為盜賊而為奴者輸於罪隸春人臺人之官也由是觀之今之為奴婢古之罪人也故書曰子則奴戮汝論語曰箕子為之奴罪隸之奴也故春秋傳曰斐豹隸也著於丹書請焚丹書我殺督戎恥為奴欲焚其籍也玄謂奴從坐而沒入縣官者男女同名○女音汝

凡有爵者與七十者與未齒者皆不為奴。

有爵謂命士以上也齒毀齒也男八歲女七歲而毀齒○上時掌反

唐人掌犬牲。凡祭祀共犬牲。用牲物。伏瘞亦如之。

鄭司農云。牲純也。物色也。伏。謂伏犬以王車轅之。瘞。謂埋祭也。爾雅曰。祭地曰瘞埋。○牲音全。瘞於例反。轅音歷。

凡幾珥沈辜。用駝可也。

故書駝作龍。鄭司農云。幾讀為賤。爾雅曰。祭山曰賤。縣祭川曰浮。沈。大宗伯職曰。以埋沉祭山川。林澤以罷辜。祭四方百物。龍讀為駝。謂不純色也。玄謂幾讀為創。珥當為珥。創。珥者。鬯禮之事。○駝。亡江反。賤。九委反。縣音玄。罷。劉乎遍反。

凡相犬。牽犬者屬焉。掌其政治。

相。謂視擇知其善惡。○相息亮反。

司圜。掌收教罷民。凡害人者。弗使冠飾。而加明刑焉。任之以事。而收教之。能改者。上罪三年而舍。中罪二年而舍。下罪一年而舍。其

不能改。而出圜土者。殺。雖出三年不齒。

弗使冠飾者。著墨幪。若古之象刑。與舍釋之也。鄭司農云。罷民。謂惡人不從化。為百姓所患苦。而未入五刑者也。故曰。凡害人者。不使冠飾。任之以事。若今時罰作矣。○著。丁略反。幪。莫公反。

凡圜土之刑人。也不虧體。其罰人。也不虧財。

言其刑人。但加以明刑。罰人。但任之以事耳。鄭司農云。以此知其為民所苦。而未入刑者也。故大司寇職曰。凡萬民之有罪過。而未麗於法。而害於州里者。桎梏而坐諸嘉石。役諸司空。又曰。以嘉石平罷民。國語曰。罷士無伍。罷女無家。言為惡無所容入也。玄謂圜土所收教者。過失害人。已麗於法者。

掌囚。掌守盜賊。凡囚者。上罪桎梏。而桎。中罪桎梏。下罪桎。王之同族。有爵者。桎。以待弊罪。

凡囚者謂非盜賊自以他罪拘者也鄭司農云奉者兩手共一木也桎梏者兩手各一木也玄謂在手曰桎在足曰梏中罪不奉手足各一木耳下罪又去桎王同族及命士以上雖有上罪或奉或桎而已弊猶斷也○桎古毒反奉漢書音義韋昭音拱云兩手共一木曰奉兩手各一木曰桎桎之實反

及刑殺告刑于王奉而適朝士加明桎以適市而刑殺之

告刑于王告王以今日當行刑及所刑姓各也某死罪則曰某之罪在大辟某刑罪則曰某之罪在小辟奉而適朝者重刑為王欲有所赦且當以付士士鄉士也鄉士加明桎者謂書其姓名及其罪於桎而著之也囚時雖有無桎者至於刑殺皆設之以適市就眾也庶姓無爵者皆刑殺於市○為于偽反著丁略反

凡有爵者與王之同族奉而適甸師氏以待刑殺

適甸師氏亦由朝乃往也待刑殺者掌戮將自市來也文王世子曰雖親不以犯有司正術也所以體異姓也刑于隱者不與

國人慮兄弟也

掌戮掌斬殺賊謀而搏之

斬以鈇鉞若今要斬也殺以刀刃若今棄市也謀謂姦寇反間者賊與謀罪大者斬之小者殺之搏當為搏諸城上之搏字之誤也搏謂去衣裸之○要一遙反間間廁之間去起呂反

凡殺其親者焚之殺王之親者辜之

親總服以內也焚燒也易曰焚如死如棄如辜之言枯也謂燬之

凡殺人者陪諸市肆之三日刑盜于市

陪僵尸也肆猶申也陳也凡言刑盜罪惡莫大焉○陪皮北反僵居良反

凡罪之麗於灋者亦如之唯王之同族與有爵者殺之于甸師氏

罪二千五百條上附下附刑五而已於刑同科者其刑殺之一也

凡軍旅田役斬殺刑戮亦如之。

戮謂膊焚辜肆

墨者使守門。

黥者無妨於禁御

劓者使守關。

截鼻亦無妨以貌醜遠之

宮者使守內。

以其人道絕也今世或然

刑者使守圜。

斷足驅衛禽獸無急行

髡者使守積。

鄭司農云髡當為完謂但居作三年不虧體者也玄謂此出五刑之中而髡者必王之同族不宮者官之為翦其類髡頭而已守積積在隱者宜也○積子賜反

司隸掌五隸之灋辨其物而掌其政令。

五隸謂罪隸四翟之隸也物衣服兵器之屬

帥其民而搏盜賊役國中之辱事為百官積任器凡囚執人之事。

民五隸之民也鄭司農云百官所當任持之器物此官主為積聚之也玄謂任猶用也○為百千為反

邦有祭祀賓客喪紀之事則役其煩辱之事。

煩猶劇也。士喪禮下篇曰：隸人溲廁。○溲乃結反。

掌帥四翟之隸使之皆服其邦之服執其邦之兵守王宮與野舍之厲禁。

野舍王者所止舍也。厲遮例也。○遮章奢反。例音烈。

罪隸掌役百官府與凡有守者掌使令之小事。

役給其小役。○令力呈反。

凡封國若家牛助為牽傍。

鄭司農云：凡封國若家謂建諸侯立大夫家也。牛助為牽傍此官主為送致之也。玄謂牛助國以牛助轉徙也。罪隸牽傍之在

前日牽在旁曰傍。○傍步浪反。

其守王宮與其厲禁者如蠻隸之事。

蠻隸掌役校人養馬其在王宮者執其國之兵以守王宮在野外則守厲禁。

閭隸掌役畜養鳥而阜蕃教擾之掌子則取隸焉。

杜子春云：子當為祀。玄謂掌子者王立世子置臣使掌其家事而以閭隸役之。

夷隸掌役牧人養牛馬與鳥言。

鄭司農云：夷狄之人或曉鳥獸之言故春秋傳曰介葛盧聞牛鳴曰是生三犧皆用矣是以貉隸職掌與獸言。

其守王宮者與其守厲禁者如蠻隸之事。

貉隸掌役服不氏而養獸而教擾之。掌與獸言。

不言阜藩者。猛獸不可服。又不生乳於圈檻也。○圈求阮反。

其守王宮者。與其守厲禁者。如蠻隸之事。

秋官司寇下

布憲掌憲邦之刑禁。正月之吉。執旌節以宣布于四方。而憲邦之刑禁。以詰四方邦國。及其都鄙。達于四海。

憲表也。謂縣之也。刑禁者。國之五禁。所以左右刑罰者。司寇正月布刑于天下。正歲又縣其書于象魏。布憲於司寇布刑。則以旌節出宣令之。於司寇縣書。則亦縣之于門閭。及都鄙邦國。刑者王政所重。故屢丁寧焉。詰謹也。使四方謹行之。爾雅曰。九夷八蠻。六戎五狄。謂之四海。○縣音玄。

凡邦之大事。合衆庶。則以刑禁號令。

禁殺戮。掌司斬殺戮者。凡傷人見血。而不以告者。攘獄者。遏訟者。

以告而誅之。

司。猶察也。察此四者。告於司寇罪之也。斬殺戮。謂吏民相斬相殺。相戮者。傷人見血。見血乃為傷人耳。鄭司農云。攘獄者。距當獄者也。遏訟者。遏止欲訟者也。玄。謂攘猶卻也。卻獄者。言不受也。

禁暴氏。掌禁庶民之亂暴力正者。擣誣犯禁者。作言語而不信者。以告而誅之。

民之好為侵陵。稱詐謾誕。此三者。亦刑所禁也。力正。以力強得正也。○擣。居表反。好呼報反。誣音但。

凡國聚衆庶。則戮其犯禁者。以徇。凡奚隸聚而出入者。則司牧人

戮其犯禁者。

奚隸女奴男奴也。其聚出入有所使。

野廬氏掌達國道路至于四畿。

達謂巡行通之使不陷絕也。去王城五百里曰畿。○行下孟反。

比國郊及野之道路宿息井樹。

比猶較也。宿息廬之屬。賓客所宿及晝止者也。井共飲食樹為蕃蔽。

若有賓客則令守涂地之人聚橐之有相翔者誅之。

守涂地之人道所出廬宿旁民也。相翔猶昌翔觀伺者也。鄭司農云聚橐之聚擊橐以宿衛之也。有姦人相翔於賓客之側則誅之。不得令寇盜賓客。○橐音託。令力呈反。

凡道路之舟車擊互者敘而行之。

舟車擊互謂於迫隘處也。車有輟轅坻閣并有砥柱之屬其過之者使以次叙之。○擊音計坻都禮反砥音旨。

凡有節者及有爵者至則為之辟。

辟辟行人亦使守涂地者。

禁野之橫行徑踰者。

皆為防奸也。橫行妄由田中徑踰射邪趨疾越隄渠也。○射食亦反。

凡國之大事比修除道路者。

比校治道者各若令次金叙大功。

掌凡道禁。

司豐

司寇刑官之職

二

承

禁謂若今絕蒙布巾持兵杖之屬

邦之大師則令掃道路且以幾禁行作不時者不物者

不時謂不夙則莫者也。不物謂衣服操持非此常人也。幾禁之者備姦人內賊及反間。○莫音暮。間。間。測之反。

蜡氏掌除飢

曲禮四足死者曰漬。故書飢作脊。鄭司農云。脊讀為殯。謂死人骨也。月令曰。掩骼埋胔。骨之尚有肉者也。及禽獸之骨皆是。○蜡。清。預。反。飢似賜。反。注。殯。皆同。殯又作漬。脊子亦反。骼古百反。

凡國之大祭祀。令州里除不蠲。禁刑者。任人及凶服者。以及郊野。

大師大賓客亦如之。

蠲。讀如古圭。惟。備之圭。圭。潔也。刑者。黜。劓之屬。任人。司圜所收。教罷民也。凶服。服衰。經也。此所禁除者。皆為不欲見人所。蕪。惡。

也。○蠲。古。玄。反。饒。昌。志。反。罷。音。皮。衰。七。雷。反。為。于。僞。反。蕪。紆。廢。反。今。本。多。作。穢。惡。息。路。反。

若有死於道路者。則令埋而置榻焉。書其日月焉。縣其衣服。任器于有地之官。以待其人。

有地之官。主此地之吏也。其人。其家人也。鄭司農云。榻。欲令其識取之。今時榻。槨是也。有地之官。有郡界之吏。今時鄉亭是也。○榻。音。竭。縣。音。玄。

掌凡國之飢禁

禁。謂。孟。春。掩。骼。埋。胔。之。屬。

雍氏掌溝瀆澮池之禁。凡害於國家者。春令為阱。獲溝瀆之利於民者。秋令塞阱。杜獲。

禁山之為苑澤之沈者

溝瀆澮田間通水者也池謂陂障之水道也害於國稼謂水潦及禽獸也阱穿地為塹所以禦禽獸其或超踰則阱焉世謂之

澤氏掌國之水禁

為其就禽獸魚鱉自然之居而害之鄭司農云不得擅為苑囿於山也澤之沈者謂毒魚及水蟲之屬

幾酒

水禁謂水中害人之處及入水捕魚鱉不時苛察沽買過多及非時者

謹酒

使民節用酒也書酒誥曰有政有事無彝酒

禁川游者

備波洋卒至沈溺也○卒寸忽反

司寤氏掌夜時

夜時謂夜晚早若今甲乙至戌

以星分夜以詔夜士夜禁

夜士主行夜徼候者如今都候之屬○行下孟反徼古弔反

禦晨行者禁宵行者夜遊者

司豐

司寇刑官之職

三

尺痕堂

備其遭寇害及謀非公事，禦亦禁也。謂遏止之無刑法也。晨先明也，宵定昏也。書曰：宵中星虛，春秋傳曰：夜中星隕如雨。○先

司烜氏掌以夫遂取明火於日，以鑿取明水於月，以共祭祀之明

盥明燭共明水。

夫遂，陽遂也。鑿，鏡屬。取水者，世謂之方諸。取日之火，月之水，欲得陰陽之潔氣也。明燭，以照饌陳。明水，以爲玄酒。鄭司農云：夫發聲，明盥謂以明水脩滌。案盛黍稷。○夫方符反。司農音符盥音資。注作案。

凡邦之大事，共墳燭庭燎。

故書墳爲黃。鄭司農云：黃燭，麻燭也。玄謂墳，大也。樹於門外。曰大燭。於門內曰庭燎。皆所以照衆爲明。○黃扶干反。

中春以木鐸修火禁于國中。

爲季春將出火也。火禁，謂用火之處。及備風燥。○中音冲。

軍旅修火禁，邦若屋誅，則爲明竈焉。

鄭司農云：屋誅，謂夷三族無親屬收葬者，故爲葬之也。三夫爲屋，一家田爲一夫。以此知三家也。玄謂屋，讀如其刑，劓之劓，劓誅謂所殺不於市而以適甸師氏者也。明竈，若今揭頭明書其罪法也。司烜掌明竈，則罪人夜葬與。○竈昌銳反。劓音握。

周禮卷三十六 終

司禮

司寇刑官之職

古

衣裳堂

